



**Broj: 02-724/16**  
**Vareš, 01.08. 2016. godine**

Na osnovu člana 70. stav (1) Zakona o javnim nabavkama Bosne i Hercegovine ("Službeni glasnik BiH", br. 39/14), člana 96. Statuta Općine Vareš (prečišćeni tekst), broj: 01-162/12 od 11. 09.2012. godine i preporuke Komisije za javne nabavke konstatirane u Zapisnika o pregledu i ocjeni ponude od 01.08.2016. godine, Općinski načelnik, d o n o s i:

## **ODLUKU**

### **o dodjeli ugovora u Pregovaračkom postupku bez objave obavještenja o nabavci**

#### **Član 1.**

Prihvata se preporuka Komisije za javne nabavke od 01.08.2016. godine i ugovor za javnu nabavku "Izvođenje radova na otklanjanju šteta na putevima na području općine Vareš", dodjeljuje se ponuđaču "Javnom komunalnom preduzeću" d.o.o. Vareš sa sljedećim jediničnim cijenama bez PDV-a:

- Rad radne mašine KAŠIKA RD 180 (bez ukalkulisanih troškova goriva).. ... 63,50 KM/h,
- Rad radne mašine KAŠIKA VOLVO (bez ukalkulisanih troškova goriva) ... 63,50 KM/h,
- Rad radne mašine ROVOKOPAČ (bez ukalkulisanih troškova goriva) ... 53,00 KM/h,
- Rad radne mašine ROVOKOPAČ sa pneumatskim čekićom (bez ukalkulisanih troškova goriva) ..... 75,00 KM/h,
- Rad radne mašine KOMPRESOR (bez ukalkulisanih troškova goriva) ..... 38,00 KM/h,
- Rad radne mašine VALJAK (bez ukalkulisanih troškova goriva) ..... 15,00 KM/h,
- Rad radne KAMION (bez ukalkulisanih troškova goriva) ..... 54,00 KM/h,
- Nabavka tamponskog materijala 0-32 mm za nasipanje puteva ..... 11,00 KM/m<sup>3</sup>,
- Krpljenje udarnih rupa asfalt beton sa valjanjem i prethodnim opsijecanjem, te čišćenjem i premaz emulzijom ..... 30,00 KM/m<sup>2</sup>,
- Izrada komplet propusta sa svim predradnjama fi 500 mm..... 140,00 KM/m<sup>1</sup>
- Nabavka i postavljanje odbojne ograde sa svim stubovima –nabavka, transport i montaža nove odbojne ograde i spojnog materijala. Odbojna ograda mora biti poncinčana i zadovoljiti važeće propise o odbojnim ogradama na lokalnim cestama. .... 82,00 KM/ m<sup>1</sup>,
- Popravka i ispravljanje elastično odbojne ograde..... 46,00 KM/ m<sup>1</sup>,
- Nabavka i postavljanje linijske rešetke sa svim potrebnim predradnjama (iskop,betoniranje), Obračun po m dužnom postavljene rešetke .. 85,00 KM/ m<sup>1</sup>,

- Nabavka i postavljanje rešetke za slivnu kacu ..... 60,00 KM/kom,
- Izrada armirano-betonskog potpornog zida MB 30 visine do 2 metra (količina armature 75 kg/m<sup>3</sup> ugrađenog betona) ..... 320,00 KM/m<sup>3</sup>,
- Rad radnika na ručnom čišćenju rigola, propusta i slično ..... 10,00 KM/h

#### Član 2.

Ova Odluka objavit će se na web stranici Općine Vareš (www.vares.info), istovremeno sa upućivanjem iste izabranom ponuđaču, u skladu sa članom 70. stav. (6). Zakona o javnim nabavkama BiH.

#### Član 3.

Odluka stupa na snagu danom donošenja.

### O b r a z l o ž e n j e

Ugovorni organ je pokrenuo Pregovarački postupak bez objave obavještenja, broj 02-699/16 od 26.07.2016. godine za "Izvođenje radova na otklanjanju šteta na putevima na području općine Vareš" u skladu sa članom 21. stav (1) točka d) Zakona o javnim nabavkama BiH.

Pregovarački postupak bez objave obavještenja je vođen iz razloga što je donesena Odluka o proglašenju elementarne nepogode na području općine Vareš, ( Odluka, broj: 02-690/16 od 24.07.2016. godine), što iziskuje hitnost otklanjanja štete na putevima i uspostavljanja normalne prohodnosti. Pregovarački postupak je vođen sa ponuđačem "Javno komunalno preduzeće" d.o.o. Vareš čiji je osnivač Općina Vareš koja svoja osnivačka prava ostvaruje putem Skupštine preduzeća.

Predmetna nabavka će se finansirati iz Budžeta Općine Vareš za 2016. godinu.

Radi provođenja pregovaračkog postupka bez objave obavještenja, imenovana je Komisija Rješenjem broj: 02-723/16 od 01.08.2016. godine.

Dana 01.08.2016. godine pozvani ponuđač "Javno komunalno preduzeće" d.o.o. Vareš je dostavilo ponudu za "Izvođenje radova na otklanjanju šteta na putevima na području općine Vareš".

Nakon što je Komisija utvrdila da je ponuda ponuđač kompletna, sa istim je izvršeno pregovaranje o cijeni.

Razmatrajući ponudene jedinične cijene i uspoređujući ih sa cijenama ponuđenim i prihvaćenim kod realizacije ugovora o izvođenju radova na zimskom održavanju lokalnih puteva, ulica, trotoara i stepeništa na području općine Vareš u sezoni 2015/2016, broj: 02-999/15 od 23.11.2015. godine i ugovora o izvođenju radova na redovnom održavanju lokalnih puteva na području općine Vareš u 2016. godini, broj: 02-468/16 od 24.05. 2016. godine, za koji je također proveden pregovarački postupak, Komisija je utvrdila da su jedinične cijene stavki iste kao i u prethodno prihvaćenim ponudama kod realizacije ugovora o zimskom i redovnom održavanju lokalnih puteva na području općine Vareš.


Imajući u vidu naprijed navedeno Komisija je dala preporuku Općinskom načelniku da se predmetni ugovor o nabavci radova dodjeli navedenom ponuđaču.

Cijeneći navedeno, odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba u roku od deset (10) dana od dana prijema ove Odluke. Žalba se podnosi ovom ugovornom organu u pismenom obliku na način predviđen članom 99. i 105. Zakona o javnim nabavkama.

#### DOSTAVLJENO:

1 x Ponuđaču: "Javnom komunalnom preduzeću" d.o.o. Vareš,



Kovačević Avdija, dipl. pravnik